

影印
文淵閣

四庫全書

影印

文淵閣四庫全書

第一三八二冊

北京出版集團公司
北京出版社

本冊目次

古今詩刪

明 李攀龍編……………一

唐宋元名表

明 胡松編……………二九一

文氏五家集

明 文洪等撰……………四二一

宋藝圃集

明 李袞編……………五九七

元藝圃集

明 李袞編……………九四一

欽定四庫全書

集部
古今詩刪卷四

詳校官中書_臣李采

侍讀_臣孫球覆勘

總校官庶吉士_臣倉聖脉

校對官待詔_臣胡士震

謄錄監生_臣莊承簪

欽定四庫全書

集部八

古今詩刪

總集類

提要

_臣等謹案古今詩刪三十四卷明李攀龍編
攀龍有滄溟集別著錄是編為所錄歷代之
詩每代各自分體始於古逸次以漢魏南北
朝次以唐唐之後繼以明多錄同時諸人之
作而不及宋元蓋自李夢陽倡不讀唐以後

欽定四庫全書

古今詩刪
提要

書之說前後七子率以此論相尚攀龍是選
猶是志也昔江淹作雜擬詩上自漢京下至
齊代古今咸列正變不遺其序有曰蛾眉詎
同貌而俱動於魄芳草寧共氣而皆悅於魂
又曰世之諸賢各滯所迷莫不論甘而忌辛
好丹而非素豈所謂通方廣恕好遠兼愛然
則文章派別不主一途但可以工拙為程未
容以時代為限宋詩導黃陳之派多生硬杈

極元詩沿溫李之波多綺靡婉弱論其流弊
誠亦多端然鉅製鴻篇實不勝數何容刪除
兩代等之自鄒無識王士禎論詩絕句有曰
鐵崖樂府氣淋漓淵頴歌行格儘奇耳食紛
紛說開寶幾人眼見宋元詩其殆為夢陽輩
發歟且以此選所錄而論唐末之韋莊李建
勳距宋初閱歲無多明初之劉基梁寅在元
末吟篇不少何以數年之內今古頓殊一人

之身薰猶互異此直門戶之見入主出奴不
緣真有限斷厥後周亮工鐫一私印文曰不
讀王李鍾譚之詩載於賴古堂譜中豈非高
談盛氣有以激之遂至出爾反爾乎然明季
論詩之黨判於七子七子論詩之旨不外此
編錄而存之亦足以見風會變遷之故是非
蜂起之由未可廢也流俗所行別有攀龍唐
詩選攀龍實無是書乃明末坊賈割出詩刪

中唐詩加以評註別立斯名以其流傳既久
今亦別存其目而不錄其書焉乾隆四十三
年九月恭校上

總纂官臣紀昀臣陸錫熊臣孫士毅

總校官臣陸費墀

古今詩刪原序

李攀龍于鱗所為古今詩刪成凡數年而歿歿而新都汪時元謀梓之走數千里以序屬世貞曰是唯二君子之有味乎詩也不有存者誰與任歿者世貞謝不敏已喟然而嘆曰嗟嗟否歟然哉蓋孔子嘗稱刪詩書云至筆削春秋取獨斷其於詩也未嘗不退而與游夏商之也當三代盛時國中之樂奏而暢天地之和歌詠盛德大業合而名之曰雅頌野之人人遺其觸發而名之若

欽定四庫全書

古今詩刪
原序

彼其所上下者雖號稱數千年其所近者僅風而已其所近而云雅頌者百固不能一二也而于鱗之所取則亦以能工於辭不悖其體而已非必盡合于古所謂發乎情止乎禮義興觀羣怨之用備而後謂之詩也是故存詩而曰刪曰刪者刪之餘也為若不得已而存也夫以孔子之於詩猶不能廢游夏而于鱗取其獨見而裁之而遽命之曰刪彼其見刪於于鱗而不自甘者寧無反脣也雖然令于鱗以意而輕退古之作者間有之于鱗合格而輕進古之作者則無是也以于鱗之母輕進其得存而成一家言以模楷後之操觚者亦庶乎可矣蓋于鱗之所最善為世貞其屬存于鱗刪者不少然自戊午而前及它倡和之什耳其人雅自信落落寡與家僻處濟上則于鱗之于今賢士大夫多所與而少所見可知也問為繼于鱗志者如之何曰代益之不失所以精之意而已矣友人吳郡王世貞撰

欽定四庫全書

古今詩刪
原序

欽定四庫全書

古今詩刪卷一

明 李攀龍 編

古逸

商銘 商王

嘽嘽之德不足就也不可以矜而祇取憂^叶也嘽嘽之食不足飽也不能為膏而祇離咎也

盥盤銘 武王

欽定四庫全書

古今詩刪

一

與其溺於人也寧溺於淵^叶溺於淵猶可游也溺於人不可救^叶也

杖銘 武王

惡乎危於忿戇惡乎失道於嗜慾惡乎相忘於富貴

戶銘 武王

夫名難得而易失無勤弗志而曰我知之乎無勤弗及而曰我杖之乎擾阻以泥之若風將至必先搖搖^叶雖有聖人不能為謀也

筆銘 武王

毫毛茂茂^叶陷水可脫陷文不活

書車 武王

自致者急載人者緩取欲無度自致而反

金人銘 武王

古之慎言人也戒之哉無多言多言多敗無多事多事多患安樂必戒無行所悔勿謂何傷其禍將長勿謂何害其禍將大勿謂不聞神將伺人焰焰不滅炎炎若何

欽定四庫全書

古今詩刪

二

涓涓不壅終為江河綿綿不絕或成網羅毫末不札將尋斧柯誠能慎之福之根也口是何傷禍之門也強梁者不得其死好勝者必遇其敵盜憎主人民怨其上君子知天下之不可上也故下^叶之知衆人之不可先也故後^叶之溫恭慎德使人慕之執雌持下人莫踰之人皆趨彼我獨守此人皆惑之我獨不徙內藏我知不示人技我雖尊高人莫我害江海雖左長于百川以其卑也天道無親常與善人戒之哉

鼎銘 正考父

一命而僂再命而偃三命而俯循牆而走叶亦莫余敢侮叶饘於是粥於是以餬余口叶

轡之柔矣太子晉

馬之剛矣轡之柔矣馬亦不剛轡亦不柔志氣熙熙叶取與不疑叶

引古語鄒衍

截趾適履孰云其愚何與斯人追欲喪軀

欽定四庫全書

古今詩刪

三

堯戒淮南子

戰戰慄慄日謹一日人莫蹟於山而蹟於垤叶

鼓缶淮南子

君子有酒小人鼓缶雖不見好亦不見醜

烏鵲歌二首韓馮妻何氏

南山有烏北山張羅烏自高飛羅當奈何

其二

烏鵲雙飛不樂鳳凰妾是庶人不樂宋王

松栢歌齊人

松栢栢邪住建共者客邪

渡易水歌荆軻

風蕭蕭兮易水寒叶壯士一去兮不復還叶

垓下歌項羽

力拔山兮氣蓋世時不利兮騅不逝騅不逝兮可奈何

虞兮虞兮奈若何

欽定四庫全書

古今詩刪

四

古今詩刪卷一

欽定四庫全書

古今詩刪卷二

明 李攀龍 編

漢樂府

大風歌 高帝

大風起兮雲飛揚威加海內兮歸故鄉安得猛士兮守四方

鴻鵠歌 高帝

欽定四庫全書

古今詩刪
卷二

鴻鵠高飛一舉千里羽翼已就橫絕四海橫絕四海又
可奈何雖有矰繳將安所施

秋風辭 武帝

秋風起兮白雲飛草木黃落兮鴈南歸蘭有秀兮菊有
芳懷佳人兮不能忘汎樓船兮濟汾河橫中流兮揚素
波簫鼓鳴兮發擢歌懼樂極兮哀情多少壯幾時兮奈
老何

李夫人歌 武帝

是邪非邪立而望之翩何姍姍其來遲

歌 李延年

北方有佳人絕世而獨立一顧傾人城再顧傾人國寧
不知傾城與傾國佳人難再得

怨歌行 班婕妤

新裂齊紈素皎潔如霜雪裁為合歡扇團團似明月出
入君懷袖動搖微風發常恐秋節至涼飈奪炎熱棄捐
篋笥中恩情中道絕

欽定四庫全書

古今詩刪
卷二

白頭吟 卓文君

皚如山上雪皎若雲間月聞君有兩意故來相決絕今
日斗酒會明旦溝水頭躑躅御溝上溝水東西流淒淒
復淒淒嫁娶不須啼願得一心人白頭不相離竹竿何
嫋嫋魚尾何筵筵男兒重意氣何用錢刀為

飲馬長城窟行 蔡邕

青青河邊草綿綿思遠道遠道不可思宿昔夢見之夢
見在我傍忽覺在他鄉他鄉各異縣展轉不可見枯桑

知天風海水知天寒入門各自媚誰肯相為言客從遠
方來遺我雙鯉魚呼童烹鯉魚中有尺素書長跪讀素
書書中竟何如上有加餐食下有長相憶

羽林郎 辛延年

昔有霍家奴姓馮名子都依倚將軍勢調笑酒家胡胡
姬年十五春日獨當爐長裾連理帶廣袖合歡襦頭上
藍田玉耳後大秦珠兩環何窈窕一世良所無一鬟五
百萬兩鬟千萬餘不意金吾子娉婷過我盧銀鞍何煜
欽定四庫全書 古今詩刪 卷二

董嬌饒 宋子侯

洛陽城東路桃李生路傍花花自相對葉葉自相當春
風東北起花葉正低昂不知誰家子提籠行採桑纖手
折其枝花落何飄颻請謝彼姝子何為見損傷高秋八

九月白露變為霜終年會飄墮安得久馨香秋時自零
落春月復芬芳何時盛年去懽愛永相忘吾欲竟此曲
此曲愁人腸歸來酌美酒挾瑟上高堂

古怨歌 竇玄妻

笄笄白兔東走西顧衣不如新人不如故

戰城南 無名氏

戰城南死郭北野死不葬烏可食為我謂烏且為客豪
野死諒不葬腐肉安能去子逃水深激激蒲冥冥泉

欽定四庫全書

古今詩刪 卷二

騎戰鬪死驚馬徘徊鳴梁築室何以南何以北禾黍不
獲君何食願為忠臣安可得思子良臣良臣誠可思朝
行出攻暮不夜歸

上陵 無名氏

上陵何美美下津風以寒問客從何來言從水中央桂
樹為君船青絲為君竿木蘭為君櫂黃金錯其間滄海
之雀赤翅鴻白鴈隨山林乍開乍合曾不知日月明醴
泉之水光澤何蔚蔚芝為車龍為馬覽遊遊四海外甘

露初二年芝生銅池中仙人下來飲延壽千萬歲

有所思 無名氏

有所思乃在大海南何用問遺君雙珠玳瑁簪用玉紹
繚之聞君有他心拉雜摧燒之摧燒之當風揚其灰從
今已往勿復相思相思與君絕雞鳴狗吠兄嫂當知之
妃呼狶秋風肅肅晨風颼東方須臾高知之

臨高臺 無名氏

臨高臺以軒下有清水清且寒江有香草日以蘭黃鵠

欽定四庫全書

古今詩刪
卷二

五

高飛離哉翻關弓射鵠令我主壽萬年收中吾

烏生 無名氏

烏生八九子端坐秦氏桂樹間啾我秦氏家有遊遨蕩
子工用睢陽彊蘇合彈左手持彊彈兩丸出入烏東西
啾我一丸即發中烏身烏死魂魄飛揚上天阿母生烏
子時乃在南山巖石間啾我人民安知烏子處蹊徑窈
窕安從通白鹿乃在上林西苑中射工尚復得白鹿脯
啾我黃鵠摩天極高飛後宮尚復得烹煮之鯉魚乃在

洛水深淵中釣釣尚得鯉魚口啾我人民生各各有壽
命死生何須復道前後

陌上桑 無名氏

日出東南隅照我秦氏樓秦氏有好女自名為羅敷羅
敷善蠶桑採桑城南隅青絲為籠係桂枝為籠鉤頭上
倭墮髻耳中明月珠細綺為下裙紫綺為上襦行者見
羅敷下擔捋髭鬚少年見羅敷脫帽著幘頭耕者忘其
犁鋤者忘其鋤來歸相怨怨但坐觀羅敷 一使君從南

欽定四庫全書

古今詩刪
卷二

六

來五馬立踟躕使君遣吏往問是誰家姝秦氏有好女
自名為羅敷羅敷年幾何二十尚不足十五頗有餘使
君謝羅敷寧可共載不羅敷前致辭使君一何愚使君
自有婦羅敷自有夫 二解東方千餘騎夫婿居上頭何用

識夫婿白馬從驪駒青絲係馬尾黃金絡馬頭腰中鹿

盧劍可值千萬餘十五府小史二十朝大夫三十侍中

郎四十專城居為人潔白皙鬚鬢頗有鬚盈盈公府步

冉冉府中趨坐中數千人皆言夫婿殊 三解

長歌行三首 無名氏

青青園中葵朝露待日晞陽春布德澤萬物生光輝常
恐秋節至焜黃華葉衰百川東到海何時復西歸少壯
不努力老大徒傷悲

其二

仙人騎白鹿髮短耳何長導我上太華攬芝獲赤幢來
到主人門奉藥一玉箱主人服此藥身體日康彊髮白
復更黑延年壽命長

欽定四庫全書

古今詩刪
卷二

其三

宮宮山上亭皎皎雲間星遠望使心思遊子戀所生驅
車出北門遙觀洛陽城凱風吹長棘天天枝葉傾黃鳥
飛相追咬咬弄音聲竚立望西河泣下沾羅纓

君子行 無名氏

君子防未然不處嫌疑間瓜田不納履李下不正冠嫂
叔不親授長幼不比肩勞謙得其柄和光甚獨難周公
下白屋吐哺不及餐一沐三握髮後世稱聖賢

董逃行 無名氏

吾欲上謁從高山山頭危險道路難遙望五嶽端黃金
為闕班璘但見芝草葉落紛紛解一百鳥集來如煙山獸

紛綸麟辟邪其端鴟雞聲鳴但見山獸援戲相拘攀解二

小復前行玉堂未心懷流還傳教出門來門外人何求

所言欲從聖道求一得命延解三教救凡吏受言採取神

藥若木端玉兔長跪擣藥蝦蟇丸奉上陛下一玉杵服

此藥可得神仙解四服爾神藥莫不歡喜陛下長生老壽

欽定四庫全書

古今詩刪
卷二

四面肅肅稽首天神擁護左右陛下長與天相保守解五

相逢行 無名氏

相逢狹路間道隘不容車不知何年少夾轂問君家君

家誠易知易知復難忘黃金為君門白玉為君堂堂上

置樽酒作使邯鄲倡中庭生桂樹華燈何煌煌兄弟兩

三人中子為侍郎五日一來歸道上自生光黃金絡馬

頭觀者盈道傍入門時左顧但見雙鴛鴦鴛鴦七十二

羅列自成行音聲何嚙嚙鶴鳴東西廂人婦織綺羅中

婦織流黃小婦無所為挾瑟上高堂丈人且安坐調絲方未央

隴西行 無名氏

天上何所有歷歷種白榆桂樹夾道生青龍對道隅鳳凰鳴啾啾一母將九雛顧視世間人為樂甚獨殊好婦出迎客顏色正敷愉伸腰再拜跪問客平安不請客北堂上坐客氍毹能清白各異樽酒上正華疏酌酒持與客客言主人持却畧再拜跪然後持一杯談笑未及竟

欽定四庫全書

古今詩明
卷二

九

左顧敕中廚促令辦麤飯慎莫使稽留廢禮送客出盈府中趨送客亦不遠足不過門樞取婦得如此齊姜亦不如健婦持門戶亦勝一丈夫

折楊柳行 無名氏

默默施行違厥罰隨事來未喜殺龍逢桀放於鳴條解一祖伊言不用紂頭懸白旄指鹿用為馬胡亥以喪軀解二夫差臨命絕乃云負子胥戎王納女樂以亡其由余璧馬禍及號二國俱為墟解三三夫成市虎慈母投杼趨卞

和之則足接輿歸草廬解四

東門行 無名氏

出東門不顧歸來入門悵欲悲盎中無斗儲還視桁上無懸衣解一拔劍出門去兒女牽衣啼他家但願富貴賤妾與君共舖糜解二共舖糜上用滄浪天故下為黃口小兒今時清廉難犯教言君復自愛莫為非行吾去為遲平慎行望君難犯教言君復自愛莫為非行解三今時清廉

歸 解四

欽定四庫全書

古今詩明
卷二

十

婦病行 無名氏

婦病連年累歲傳呼丈人前一言當言未及得言不知淚下一何翩翩屬累君兩三孤子莫我兒飢且寒有過慎莫笞笞行當折挫思復念之亂曰抱時無衣襦復無裏閉門塞牖舍孤兒到市道逢親交泣坐不能起從乞求與孤買餌對交啼泣淚不可止我欲不傷悲不能已探懷中錢持授交入門見孤啼索其母抱徘徊空舍中行復爾耳棄置勿復道

孤兒行 無名氏

孤兒生孤兒遇生命獨當苦父母在時乘堅車駕駟馬
父母已去兄嫂令我行賈南到九江東到齊與魯臘月
來歸不敢自言苦頭多蟣虱面目多塵大兄言辦飯大
嫂言視馬上高堂行取殿下堂孤兒淚下如雨使我朝
行沒暮得水來歸手為錯足下無菲愴愴履霜中多疾
藜拔斷蒺藜腸月中愴欲悲淚下漉漉清涕累累冬無
複襦夏無單衣居生不樂不如早去下從地下黃泉春
風動草萌芽三月蠶桑六月收瓜將是瓜車來到還家
瓜車反覆助我者少嗔瓜者多願還我帶獨且急歸兄
與嫂嚴當與校計亂曰里中一何譊譊願欲寄尺書將
與地下父母兄嫂難與久居

豔歌何嘗行二首 無名氏

飛來雙白鵠乃從西北方十五五羅列成行妻卒被
病行不能相隨五里一返顧六里一徘徊吾欲銜汝去
口噤不能開吾欲負汝去毛羽何摧頽樂哉新相知憂

來生別離踏躑躅顧羣侶淚下不自知

其二

念與君離別氣結不能言各各重自愛遠道歸還難妾
當守空房閉門下重關若生當相見亡者會黃泉今日
樂相樂萬歲期延年

豔歌行二首 無名氏

翩翩堂前燕冬藏夏亦見兄弟兩三人流蕩在他縣故
衣誰當補新衣誰當綻賴得賢主人覽取為吾組夫婿
從門來斜倚西北盼語卿且勿盼水清石自見石見何
累累遠行不如歸

其二

南山石鬼鬼松栢何離離上枝拂青雲中心十數圍洛
陽發中梁松栢竊自悲斧鋸截是松松樹東西摧持作
四輪車載至洛陽宮觀言莫不歎問是何山材誰能刻
鏤此公輸與魯班被之用丹漆薰用蘇合香本是南山
松今為宮殿梁

滿歌行 無名氏

為樂未幾時遭世險巖逢此百罹零丁荼毒愁懣難支

遙望辰極天曉月移憂來填心誰當我知 一戚戚多思

慮耿耿不寧禍福無形唯念古人遜位躬耕遂我所願

以茲自寧自鄙山棲守此一榮 二暮秋烈風起西蹈滄

海心不能安攬衣起瞻夜北斗闌干星漢照我去去自

無他奉事二親勞心可言 三窮達天所為智者不愁多

為少憂安貧樂正道師彼莊周遺名者貴子熙同巖往

欽定四庫全書

古今詩刪

十三

者二賢名垂千秋 四 飲酒歌舞不樂何須善哉照觀日

月日月馳驅軼軻世間何有何無貪財惜費此一何愚

命如鑿石見火居世竟能幾時但當歡樂自娛盡心極

所嬉怡安善養君德性百年保此期願 五

淮南王篇 無名氏

淮南王自言尊百尺高樓與天連後園鑿井銀作牀金

瓶素綆汲寒漿汲寒漿飲少年少年窈窕何能賢揚聲

悲歌音絕天我欲渡河河無梁願化雙黃鵠還故鄉還

故鄉入故里徘徊故鄉苦身不已繁舞寄聲無不泰徘徊桑梓游天外

傷歌行 無名氏

昭昭素明月輝光燭我牀憂人不能寐耿耿夜何長微

風吹闥闥羅帷自飄揚攬衣曳長帶屣履下高堂東西

安所之徘徊以徬徨春鳥翻南飛翩翩獨翱翔悲聲命

儔匹哀鳴傷我腸感物懷所思泣涕忽沾裳佇立吐高

吟舒憤訴穹蒼

欽定四庫全書

古今詩刪

十四

悲歌 無名氏

悲歌可以當泣遠望可以當歸思念故鄉鬱鬱累累欲

歸家無人欲渡河無船心思不能言腸中車輪轉

前緩聲歌 無名氏

水中之鳥必有陸地之船但有意氣不能自前心非木

石荊根株數得復益天當復思東流之水必有西上之

魚不在大小但有朝於復來長笛續短笛欲今皇帝陛

下三千萬

上留田行 無名氏

里中有啼兒似類親父子回車問啼兒慷慨不可止

古八變歌 無名氏

北風初秋至吹我章華臺浮雲多暮色似從崦嵫來枯
桑鳴中林絡緯響空階翩翩飛蓬征愴愴游子懷故鄉
不可見長望始此回

古歌 無名氏

上金殿著玉樽延賓客入金門入金門上金堂東廚具

欽定四庫全書

古今詩刪
卷二

十五

肴膳椎牛烹猪羊主人前進酒彈瑟為清商投壺對彈
棊博奕並復行朱火颺煙霧博山吐微香清樽發朱顏
四坐樂且康今日樂相樂延年壽千霜

古歌 無名氏

秋風蕭蕭愁殺人出亦愁入亦愁座中何人誰不懷憂
令我白頭胡地多颺風樹木何脩脩離家日趨遠衣帶
日趨緩心思不能言腸中車輪轉

古歌銅雀詞

長安城西雙員闕上有一雙銅雀宿一鳴五谷生再鳴
五谷熟

欽定四庫全書

古今詩刪
卷二

十六

古今詩刪卷二

欽定四庫全書

古今詩刪卷三

明 李攀龍 編

魏樂府

短歌行二首 武帝

對酒當歌人生幾何譬如朝露去日苦多慨當以慷憂
思難忘何以解憂唯有杜康青青子衿悠悠我心但為
君故沈吟至今呦呦鹿鳴食野之苹我有嘉賓鼓瑟吹

欽定四庫全書

古今詩刪
卷三

笙明明如月何時可掇憂從中來不可斷絕越陌度阡
枉用相存契濶談讌心念舊恩月明星稀烏鵲南飛繞
樹三匝何枝可依山不厭高海不厭深周公吐哺天下
歸心

其二

周西伯昌懷此聖德王分天下而有其二脩奉貢獻臣
節不墜崇侯讒之是以拘繫後見赦原賜之斧鉞得使
征伐為仲尼所稱逮及德行猶奉事殷論敘其美齊桓

之功為霸之首九合諸侯一匡天下一匡天下不以兵

車正而不諂其德傳稱孔子所嘆並稱夷吾民受其恩

賜與廟胙命無下拜小白不敢闕天威在顏咫尺晉文

亦霸躬奉天王受賜珪璜鉅鬯彤弓盧弓矢千虎賁三

百人威服諸侯師之者尊八方聞之名亞齊桓河陽之

會詐稱周王是以其名紛葩

凡六解

碣石篇 武帝

東臨碣石以觀滄海水何澹澹山島竦峙樹木叢生百

欽定四庫全書

古今詩刪
卷三

草豐茂秋風蕭瑟洪波湧起日月之行若出其中星漢
燦爛若出其裏幸甚至哉歌以詠志

龜雖壽 武帝

神龜雖壽猶有竟時騰蛇乘霧終為土灰老驥伏櫪志
在千里烈士暮年壯心不已盈縮之期不但在天養怡
之福可得永年幸甚至哉歌以詠志

蒿里曲 武帝

關東有義士興兵討羣凶初期會盟津乃心在咸陽軍